

Guangjisi Minzcu Bau

ganhhau: CN45-0036 B.2015 Nd.12 Ng.2 liggaeuq ietfeih nienz ndwencib ngeih 'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3201期

Yinhcwngz: Yung Vahcuengh Haiguh Hong Senhconz Yaugoj Ndei

忻城: 用壮语开展宣传工作效果好

Gaenh geij bi neix daeuj Yinhcwngz Yen yawjnaek leihyungh Vahcuengh haiguh hong senhconz, aeundaaj cingzyauq gig ndei.

It dwg cuengqok sinhvwnz Vahcuengh. Daj 2014 nienz 1 nyied hainduj, Yinhcwngz Densidaiz cingqsiq cuengqok 《Sinhvwnz Vahcuengh Yinhcwngz》, giethab yungh Vahcuengh Yinhcwngz, yungh sawcih doengsug ngaih rox、hingzsiq sengdoengh vuedbuet, gibseiz dawz singyaem dangj caeuq cwngfuj, cienz daengz ndawsim vunzlai Bouxcuengh.

Ngeih dwg leihyungh Vahcuengh senhconz seveicujyi hwzsinh gyacizgvanh. Cujciz gihcwngz yezyiz vwnzyidui gag bien gag yienj gij vwnzyi cezmuz Vahcuengh gig miz heiqlik bonjdieg haenx, gaenxmaenx haiguh soengq heiq haeuj mbanj hozdung, haenqrengz senhconz seveicujyi hwzsinh gyacizgvanh, danqciengq youq dangj lingjdauj baihlaj vunzlai saedceij moq gyaundeih, hawj bouxyawj gyaeciepsouh、angq ciepsouh, aeundaaj yaugoj gig ndei.

Sam dwg yungh Vahcuengh eu fwen haiguh bujfaz gyauyuz hozdung. Doenggyaq fwen cungj minzsuz lajmbanj vunzlai haengj yawj gyaeciepsouh、angq bujfaz, hawj vunzlai lajmbanj youq guh'angq doengzseiz, ciepsouh fazci cihsiz gyauyuz, dem'ak fazci gvanhnen. Bineix aen yienh neix fwen bujfaz hozdung youq daengx yienh 12 aen yanghcin okcunz yienj, dabdaengz bujfaz gyauyuz cienzbouh cwgoemq.

(Mungz Gyahho/蒙家贺)

Cenzcouh: Mbanjyauz Angqhoh Ciet Buenzvuengz

全州: 瑶乡欢庆盘王节



11 nyied 28 hauh, Cenzcouh Yen Dunghsanh Yauzcuz Yangh beixnuengx Yauzcuz lauxcoz saimbwk, daenj buhvaq Yauzcuz, doxcomz youq giz haenx, youh ciengq youh diuq, angqhoh Yauzcuz conzdungj ngoenzciet "ciet Buenzvuengz". Ndaw doz dwg beixnuengx Yauzcuz cingq diuq 《Fouxcaijcaz》.

(Vangz Swzcamg/王滋创 Sinj Haijyangz/沈海洋)

Yungzsuij: 2015 Ciet Aenvenz Maxdoxdik Ciepdaih Hekyouz Lairaeuh

2015 芦笙斗马接待游客破纪录

Yungzsuij Myauzcuz Swciyen 2015 ciet aenvenz maxdoxdik youq 11 nyied 7 daengz 9 hauh banh haenx, ngoenzciet hozdung lai cungj lai yiengh, yinx ndaej cienfanh hekyouz bae daengz Mbanjmyauz yawjngonz daejniemh. Ciuq cobouh doengjgeiq, gaiq ciet neix gungh ciepdaih hekyouz 21.81 fanh vunzbaez, beij gaiq gonq demhwnj 25.36%. Saedyienh ndawbiengz lijyouz cungjsouhaeuj 1.12 ik maenz, doengzbeij demhwnj 57.45%.

Yungzsuij Yenveij、Yen Cwngefuj gyalai doiq minzcuz vwnzva vatcimh caeuq baujhoh, fungfouq le neiyungz ciet aenvenz maxdoxdik,

daezsang le minzcuz vwnzva youq ndaw lijyouz canjnieb vwnzva neihanz, cawz binaengz daihgingz aenvenz fouxgvangicangz、maxdoxdik、ciet gijgwn ndei daengj hanghmoeg le, lij iucingj daengx guek seiq aen Myauzcuz swciyen—Huznanz Mazyangz caeuq Cwngzbu、Gveicouh Sunghdauz、Yinznanz Bingzbenh daeuj camgya ngoenzciet hozdung, haenqrengz yienh'ok Cunghvaz Myauzcuz dwk doengznienz hozdung, giethab seizcou seiz gangqbya, dawz dwk doengznienz hozdung yinx haeuj gak lijyouz ginggih(diemj), haiguh yiengh Yungzsuij fungcingzyouz hingzsiq lai

yiengh、neiyungz fungfouq de.

Hekyouz bae daengz ginggih (diemj) camgya "dwk doengznienz"、"ngaizbakranz"、roengz naz gaeb byaleix daengj hozdung; banhaemh camgya Myauzcuz aenvenz gofoux biujyienj cezmuz doxgyau, miz mbanj hekyouz camgya eu fwen naengh hwnz (byaij nuengxsau)、dwk youzcas hozdung, guh le baez vunz Ranzmyauz he. Daejniemh Myauzcuz vwnzva gijgwn、vwnzva aenvenz、vwnzva maxdoxdik daengj, roxyiuj vunz Ranzmyauz yiedcingz gyaeciepsouh、angq bujfaz, hawj vunzlai lajmbanj youq guh'angq doengzseiz, ciepsouh fazci cihsiz gyauyuz, dem'ak fazci gvanhnen. Bineix aen yienh neix fwen bujfaz hozdung youq daengx yienh 12 aen yanghcin okcunz yienj, dabdaengz bujfaz gyauyuz cienzbouh cwgoemq.

(Liengz Cunghyiz/梁忠于)

SIUSIK DINJ

简讯

● Vih daezsang "lajmbanj swnghdai" hwnjguh cingzyauq, gaijndei lajmbanj yienghsienq, caenh'itboub fuengbienth vunzlai guhhong gvaq saedceij, Ginhsiu Yauzcuz Swciyen Samgak Yangh youq gyalai roenloh dajndongj hwnjguh ligdoh doengzseiz, youq bineix 10 nyied roengzcienz 12 lai fanh maenz, youq gak mbanj cang le 480 aen lohdaeng moq, saedyienh daengx yangh 41 aen mbanj hengzguh lohdaeng rongh gunghcwngz cienzbouh cwgoemq.

(Vangz Vannenz)

● Mboengqneix, Lozcwngz Yenveij Dungcanbu aeu haeujlaeg hagsib senhconz gvancez dangj Cibbet Gaiq Hajcung Cienzhoih cingsaenz guh cujyau neiyungz, gaenxmaenx doicaenh dungcan vwnzva "haj haeuj" hozdung, hawj goengq vunzlai youq bakdou ranz couh yiengjsouh ndaej ngaizhoengh vwnzva, ndaej daengz vunzlai haengjgyaez caeuq haenndei.

(Mungz Cwnghswh)

● Mboengqneix daeuj, Vanzgyangh Minzcuz Cunghgyau Swvuzgiz lienzhab aen yienh neix Vwnzdijgiz、Gyauyuzgiz、Minzyijgiz doengzcaez banh bi 2015 daengx yienh cungh siujhagseng gojgaeq Vahmauznanz、Vahcuengh caeuq Vahgun doxdax.

(Danz Su'myauz)

● Mboengqneix, Denzlinz Yen daj yienh caizcwnz yiengq daengx yienh 65 aen bujvei youwzyenz fat yozcenz gyauyuz haeujyenz cienz bangcoengh 61.40 fanh maenz, bangcoengh 1228 boux lwgnyez gyaranz gungzhoj ciepsouh yozcenz gyauyuz, gaijgez lwgnyez gyaranz gungzhoj ndaej haeuj youwzyenz bingzdaengj ciepsouh yozcenz gyauyuz, itheij cangqcoek majhung, daezsang suciz vunz dieg minzcuz gungzhoj.

(Banh Sauginh)

● 11 nyied 25 hauh, Lungzswng Gak Cuz Swciyen Lungzciz Cin Daliuj Cunh mehmbwk hagsib conzdungj daemjbaengz caeuq dajsiuq. Ciuq cam rox, gijdaenj Buenzyauz youq bi 2008 nabhaeuj swcigih gaep feihvuzciz vwnzva yizcanj mingzloeg, vih hawj gijdaenj Buenzyauz ndaej yiengh caen swnjcienz, dangdieg mehmbwk ngoenznaengz dungjyiz daenj gijdaenj Buenzyauz, vanzlij ciengzseiz comz youq itheij hag conzdungj daemjbaengz caeuq dajsiuq, ciepswnj caeuq fatyiengz Buenzyauz conzdungj vwnzva.

(Gyaj Libingz Cinz Yenyen)